

Número de registre 6567

## **AJUNTAMENT DE VIELHA E MIJARAN**

### *Anunci del Reglament de funcionament i ús*

Al no haver-se presentat reclamacions durant el termini d'exposició al públic, queda automàticament elevat a definitiu l'acord plenari inicial aprovatori de la Normativa de Funcionament i ús de les Sales d'Exposicions de l'Ajuntament de Vielha e Mijaran, el text íntegre del qual es fa públic, per al seu coneixement general i en compliment del previst en l'article 178 del Decret legislatiu 2/2003, de 28 d'abril, pel qual s'aprova el Text refós de la Llei municipal i de règim local de Catalunya, i 65 del Decret 179/1995, de 13 de juny, pel qual s'aprova el Reglament d'obres, activitats i serveis de les entitats locals.

### **REGLAMENT DE FONCIONAMENT E USATGE DES SALES ENTÀ EXPOSICIONS DER AJUNTAMENT DE VIELHA E MIJARAN**

#### **1. OBJÈCTE**

Er objècte deth present document ei era regulacion dera utilizacion e foncionament des Sales d'Exposicions propietat d'aguest Ajuntament.

Se considèren coma tal era sala plaçada en carrèr Sarriulèra núm. 10 de Vielha e era sala plaçada ena Avenguda Pas d'Arró núm. 7 de Vielha.

Se regule er emplec d'aguestes sales pes persones fisiques o juridiques interessades ena exposicion d'òbres d'art o de divulgacion culturau o educativa.

#### **2. FINALITAT DES ESPACIS**

Servir de sedença entara realizacion d'exposicions d'òbres d'art o de divulgacion culturau o educativa, tostemp qu'eth sòn contengut non sigue contrari ara legislacion vigenta.

##### **2.1. Sala d'exposicions der Ajuntament de Vielha e Mijaran Avgda Pas d'Arró**

Aguesta sala demore jos era gestion deth pròpri Ajuntament e ei destinada a acuelher es exposicions o accions de divulgacion culturau o educativa qu'eth pròpri Ajuntament organize o en colaboracion damb autes institucions. En aguest sens, sonque s'i desveloparan activitats que non compòrten ànim de lucre per part des sòns autors.

Deuant dera propòsta de quauqua entitat, associacion, persona fisica o juridica que volgue amiar a tèrme ua activitat en aguesta sala, se presentarà era madeisha ar Ajuntament tara sua avaloracion, tostemp qu'aguesta non compòrte ànim de lucre.

##### **2.2. Sala d'exposicions der Ajuntament de Vielha e Mijaran carrèr Sarriulèra**

Se destine aguesta sala ad aqueres persones fisiques o juridiques que volguen amiar a tèrme exposicions o accions de divulgacion culturau o educativa de caractèr privat e/o damb ànim de lucre. En aguest sens, er usatge serà gratuït en tot pagar sonque es despenses derivades deth madeish.

#### **3. SOLLICITUDS TAR EMPLEC DERA SALA PLAÇADA EN CARRÈR SARRIULÈRA**

A) Es entitats, associacions, persones fisiques o juridiques que volguen utilizar era Sala d'Exposicions deth carrèr Sarriulèra, auràn de ramplir ua huelha de sollicitud segontes eth modèl establert ar efècte.

B) Era sollicitud d'utilizacion dera Sala d'Exposicions calerà presentar-la en Ajuntament de Vielha e Mijaran damb ua anticipacion maximala de dotze mesi ara data dera exposicion e minima de tres mesi.

**C) Contengut dera sollicitud:**

1. Nòm dera persona responsable dirècta dera peticion, atau coma era filiacion complèta dera madeisha e s'actue en nòm pròpri o en representacion d'ua determinada entitat social. En aquest cas aurà d'aportar tanben totes es dades dera entitat e acreditar era representacion.

2. Objècte e contengut dera activitat, atau coma dates e oraris deth sòn desenvolupament.

3. Declaracion expressa d'assumir era sua responsabilitat per quinsevolh incidéncia que sigue que podesse sorgir pendent eth desenvolupament dera activitat.

4. Ath delà des dades anteriores aurà d'aportar era següenta documentacion: DNI deth promotor e/o responsable dera activitat.

- Curriculum artistic, acompanyat des documents qu'estime oportun.

- Dossier dera òbra, consistenta er un minimum de 5 fotografies identificades damb es següentes dades sus cada òbra: dimensions, tecnica, materiaus e an de realizacion.

- Prepausa dera exposicion: òbres (numèro e dimensions), projècte d'installacion, materiaus e accessòris de besonh e quauqui dessenh e esquèmas s'ac considèren oportuns.

**4. ÒBRES OBJÈCTE D'EXPOSICION**

Er Ajuntament de Vielha e Mijaran se resèrve eth dret de refusar part des òbres prepausades entara exposicion e de retirar abantes dera sua dubertura o en quinsevolh aute moment, bèra òbra que, segontes era sua opinion, pogue contravir era lei, era morau, er orde public o eth bon nòm e imatge d'aquest ajuntament o qu'estime que manque dera qualitat artistica de besonh.

**5. CARACTERISTIQUES D'USATGE**

Er usatge dera Sala serà tostemp de caractèr temporau, damb ua durada maximala de 25 dies consecutius. Excepcionaument, damb ua prelable sollicitud rasonada, poderà concedir-se er usatge des installacions per un periòde més gran.

**6. CONDICIONS GENERAUS D'USATGE**

A) Eth desenvolupament dera activitat s'efectuarà tostemp laguens der orari acordat. De manèra excepcionau se poderà autorizar era sua utilizacion dehòra d'aquest orari.

B) Eth temps d'usatge e permanéncia serà er autorizat, resultat dera sollicitud d'usatge o dera programacion adjunhada ena madeisha.

C) Er usatge dera sala d'exposicions se cedís enes condicions, es circumstàncies des quaus, usatges, caracteristiques e servicis coneish e accèpte eth sollicitant que declare arreceber-les en perfèctes condicions d' idoneïtat. Non se permeten modificacions ne alteracions sense prelabla autorizacion expressa der Ajuntament de Vielha e Mijaran.

Eth sollicitant s'obligue a mantier en perfècte estat es installacions, en tot auer de realizar peth sòn compde e risc, ath sòn cargue e jos era sua responsabilitat, es apariaments de besonh per mau usatge, era reposicion de çò que se perdesse e responerà des damatges e infraccions que se causen a persones o causes.

D) Era dubertura e eth barrament dera Sala se realizarà pes usatgèrs dera installacion.

E) Es operacions d'alugada, amortament e regulacion dera electricitat, iluminacion e climatizacion seràn realizades pes usatgèrs dera installacion.

F) Es servicis de seguretat e/o ostesses dera Sala d'Exposicions seràn a compde des usatgèrs dera installacion.

G) Era Sala serà liurada as usatgèrs ueda e en perfèctes condicions de neteja. Era neteja jornalièra ordinària dera Sala serà realizada peth Servici de Neteja der Ajuntament de Vielha e Mijaran.

En quinsevolhe cas, era neteja extraordinària qu'excedisque dera anterioraments soslinhada e era que s'originarà coma conseqüència deth montatge e desmuntatge dera activitat realizada, serà a compde des usatgèrs dera Sala.

H) Obligacions deth sollicitant:

1. Eth pagament des despenses de transport deth materiau e/o des òbres atau coma era sua installacion, exposicion e desmuntatge, en tot poder utilizar-se, es supòrts materiaus e accessòris que dispause era sala.

2. Era contractacion d'ua assegurança entara cobertura des contingències que poguen produsir-se pendent eth temps que demore era exposicion ena installacion. Er Ajuntament de Vielha e Mijaran non responerà dera pèrta, deteriorament, panament o quinsevolh aute acte que sigue alien ara sua voluntat des òbres exposades, encara qu'aguest se produsisque per cas fortuït o fòrça major, en tot èster per compde e risc des usuaris es damatges que per quinsevolh causa podessen sofrir es madeishes pendent eth temps que demoren ena sala d'exposicions.

3. Serà tanben per compde der usatgèr era edicion, confeccion e distribucion de programes o catalògs.

Eth logotip der Ajuntament de Vielha e Mijaran apareisherà eth lòc visible en tot eth materiau e publicitat emetuda.

Eth sollicitant autrege ar Ajuntament de Vielha e Mijaran era sua autorizacion entà reproduir ena publicitat que se realize quinsevolh des sues òbres, totau o parciauments e cedís eth dret de comunicacion publica.

4. Era organizacion dera inauguracion e es despenses dera madeisha seràn a cargue der usatgèr.

#### 7. AUTORIZACIONS D'USATGE

Era autorizacion o arrefús der usatge des espacis aufridi serà notificada ar interessat en termini de vint dies abils següenti ath dia en qué se formulèc era sollicitud, e tot açò en foncion dera disponibilitat e era adequacion dera sollicitud as nòrmes establides en present Reglament.

Serà criteri determinant entara concession dera citada autorizacion, era comprovació qu'era activitat amasse eth sufisent interès culturau e artistic.

#### 8. ANULLACION E SUSPENSION D'AUTORIZACIONS

Er Ajuntament de Vielha e Mijaran poderà en quinsevolh moment, e tostemp per rasons d'urgència, inajornable besonh o besonhs deth servici, anullar o suspèner era adjudicacion efectuada, sense qu'açò supause er abonament de quinsevolh tipe que sigue d'indemnizacion as usatgèrs dera installacion.

En cas qu'eth sollicitant renóncie ar usatge des espacis autorizadi, aquest ac aurà comunicar de forma justificada, damb ua anticipacion minima de 30 dies ath dia der inici dera activitat; era renóncia injustificada

poderà dar lloc ara prohibició de posteriors usatges dera madeisha, per part des interessadi causants dera renóncia.

#### 9. RESPONSABILITAT DES USATGÈRS

Es responsabilitats legaus que podessen derivar-se des actes realizadi enes installacions e deth mau usatge des madeishes, requeiràn enes persones que les executèssen o en es sòns representants legaus, en tot reservar-se er Ajuntament de Vielha e Mijaran er exercici des accions legaus que procedisquen.”

Contra el present Acord es podrà interposar pels interessats un recurs contenciós-administratiu, davant la Sala del Contenciós-Administratiu del Tribunal Superior de Justícia de Catalunya, en el termini de dos mesos comptats a partir del dia següent al de la publicació d'aquest anunci, de conformitat amb l'article 46 de la Llei 29/1998, de 13 de juliol, Reguladora de la Jurisdicció Contenciós-Administrativa.

Vielha, 22 de setembre de 2016

L'alcalde, Juan Antonio Serrano Iglesias

  

---